

62 ûz verrem lande,  
den niemen dâ erkande.  
»sîn volc, daz ist kurtoys,  
beidiu heidensch unt franzoys.  
5 etslîcher mag ein Anschevin  
mit sîner sprâche iedoch wol sîn.  
Ir muot ist stolz, ir wât ist clâr,  
wol gesniten al vûr wâr.  
ich was sînen knappen bî;  
10 die sint vor missewende vrî.  
si jehent, swer habe geruoche,  
ob der ir hêrren suoche,  
den scheid er von swære.  
von im vrâget ich der mære;  
15 nû sageten si mirs sunder wanc,  
ez wære der künece von Zazamanc.«  
disiu mære sagete ir ein garzûn:  
»âvoy, welch ein poulûn!  
iwer krône unt iwer lant  
20 wæren dâr vûr niht halbez pfant.«  
»dûne darft mirz sô loben niht.  
mîn munt hin wider dir des giht:  
ez mac wol sîn eines werden man,  
der niht mit armuote kan.«  
25 alsus sprach diu künegîn.  
»wê, wanne kumt er êt selbe drîn?«  
**D**en garzûn si des vrâgen bat.  
höfshlichen durch die stat  
der helt begunde trecken,  
30 die slâfenden wecken.

dâ bekande. \*T (ohne V)  
»sîn v. ist (daz ist V) allez k., \*T (ohne T) (L)

sp. vil (om. I L T) wol \*G (ohne OZ)

m. vrî \*G missetete vrî \*T (nur U)  
unde j., \*G (\*T)

Dô seiten si mir s. w., \*G (\*T)

ir om. \*G \*T

wære \*T (ohne V) (I L)  
m. alsô l. (mir so lonen O) \*G (nur G) mir des sagen (sin so loben T) \*T (ohne V)  
dir (des I dich des O U) vergiht (giht O U): \*G (ohne LZ)

als sp. \*G (\*T)  
»owê (Awe I O Wey V), \*G (ohne L) (\*T) · êt om. \*G \*T  
ir g. \*G \*T

\*D: D \*m: m \*G: G I O L Z \*T (U): U V T

1 Initiale O 7 Majuskel D 15 Initiale G 17 Majuskel T 21 Initiale T · Capitulumzeichen m 25 Initiale I 27 Initiale D 28 Versal T 29 Initiale LZ V

11 si] die \*m 15 sô sageten si mir sunder wanc, \*m 16 künece] küene \*m 21 darft] bedarft \*m I 26 êt] om. \*m